

粘
湖
十
子
譜
鈔

唐岳署



柘湖十子詩鈔卷六

怡志堂初編

秋感

桂林朱琦伯韓

寒色起太行凜烈來朔風撼撼響空林曠野吟孤蛩落木漸
蕭疏頽照暖遠峯蒼翠紛萬狀天地爭清雄慨然登高臺市
駿尋遺蹤碣石不可見海氣青濛濛

憶昔初抵都酷暑正燒夏黃塵撲十丈驅馬少閒暇鬱鬱兩
經秋歲月浩如瀉迂生抱仁義世網昧權詐著書甘寂寞摧
折氣不下文章雖一事高論自陵跨扶衰要有人豈復待憑
藉

伯韓詩鈔卷六

隘巷偶僦寓僻在城之西老屋十餘間土銼寒空窒拓室皮
書冊鑿坏翦蒿藜八口此重聚拙宦慚卑栖有弟若宛邱詎
史頭恒低癡女僅四齡牽裾覓棗梨睠然有餘歡且復甘鹽
齋

積雨苦淫潦屋漏沾牀席街前車折軸深巷泥一尺索居寡
歡趣叩門來嘉客爲言荆揚間蛟龍徙窟宅百谷噴洪濤顛
厓莽崩坼民居患漂蕩孤樹露屋脊當塗殊憂惶蠲緩議軫
恤東南財賦區念此沈憂積監門欲繪圖何術起溝瘠

蹇步倦趨走擁書忘朝昏妻孥笑我拙我若耳不聞紆轡偶
一出齟齬隨奔塵長安多貴游投刺爭及門主人方厭客車

馬空闌喧歸來自竊歎蟋蟀鳴頽垣巢林棲一枝茲意誰與
言

玉繩已西轉溽暑猶餘熱團扇未忍捐把玩忘秋節回思去
年時九月已飛雪白草吹盡枯老木凍欲折燕地苦早寒貧
窶缺衣褐今歲氣候異日車走酷烈寒燠有推敗天道難識
察鬱蒸亦可畏憂腸轉百結差幸失業徒凍骨免嗚咽

把酒忽不樂悵然思遠遊拄杖望湖亭老木枝相樛暫隔塵
市囂頗覺林壑幽盤山隱深秀玉泉澄碧湫登眺興正酣呼
聲動鳴騶峩冠乘朱輪藹藹皆王侯坐客競避去余亦難獨
留松風忽謾謾一鳥鳴啁啾

伯韓詩鈔卷六

二

夜臥城西隅遠聽聲蕭騷暝色驅高梁落葉隨奔濤蒲稗自
因依荒叢戰驚颺孤鴻天際來蒼然下平泉霜威何慘慄生
氣藏沈寥丈夫自有志安能老蓬蒿攬衣起徘徊柰此寒蟲
號

河決行

怒流東徙洪河傾大梁積水高於城城頭老鼉作人立疾風
卷雨勢益急中丞拜禱立雨中自操版鍾親督工是時城中
居民不食已三日礎石下壩過箭疾壩成捍水幸無失傳聞
附郭三萬家橫流所過成荒沙水面浮屍如亂麻人家屋上
啄老鴉老鴉飛去煙塵昏沿堤奔竄皆難民難民呼食飢欲

死日給官倉二升米我有故人在夷門援手無策聲潛吞白
日慘慘寒碑亭安得樸園使者今復生

答蔣元峯比部兼懷彭君子穆

時比部至豫隨
王相國勘河

蔣侯寄我中州書使我一讀聲淚俱大河以南成沮洳橫流
東徙故道淤奔流直下洪澤湖洶濤日夜撼汴都千家萬家
泣嗚嗚男奔婦逐牽其孥踉蹌避水城東隅城西積水一丈
餘死者橫陳委路衢問誰致此民何辜頗聞河臣計錙銖歲
額裁減味遠圖汎兵咄咄鼓嚨胡黑風卷雨飢蛟趨齧桑蕩
析連淮徐危城兩月幸無虞天使馳至民其蘇閩江一老多
訐謨謂少穆
先生相度水勢煩鑿疏礎石沈璧舉交芻君爲擘畫

伯韓詩鈔卷六

三

焦髮膚我友彭宣今在無

謂子穆

梁園作客顛誰扶哀鴻落日

紛叫呼側身南望心鬱紆

感事

鴉片入中國爾來百餘載粵人競啖吸流毒被遠邇通參軫
民害讜言進封甌吏議爲條目罪以大辟擬殺人亦生道重
典豈得已粵東地瀕海番商萃奸宄天使布威德陳兵肅幢
榮宣言我大邦此物永禁止獻者給茶幣萬櫝付烈燬積蠹
快頓革狡謀竟潛啟飛帆擾閩越百口騰謗毀致覺誠有由
功罪要足抵直督時入覲便喋伺微指奏云英吉黎厥患亦
易弭籲寃至鹽峽恭順無觸觶節鉞遽更代蠻疆重責委遂

割香港地要盟受欺給况聞浙以西醜虜陷定海焚掠爲一
空腥臊未湔洗虎鹿復逼近鎖鑰失堅壘總戎關天培隻身
捍賊死開門盜誰揖一誤那可悔五管嗟繹騷征調無暇晷
至尊勞旰食軍書叢黼屨機幄時咨對震懾但諾唯天討
終必伸牙璋大兵起冠軍伊何人軀幹頗傑偉驍銳五千騎
索倫十萬矢庶往麾天戈一舉盪溟渤義律爾何爲句結餌
羣匪所恃惟巨礮以外無長技長侯昔決戰賊酋盡披靡餘
艦坐飢困如魚遊釜底阻隘斷其歸彼虜無完理惜哉失此
機奔突縱犬豕大帥殊畏懦高牙擁嶽義兵驕或食人傳聞
日詠詭哀哀老尙書謂隆參贊文遺奏何噓唏上言海氛惡下言

伯韓詩鈔卷六

四

抱積痞箴砭輒乖謬診戾入肌髓艱虞正須才孤憤亦徒爾
先是春二月番舶據沙觜黑夜突憑城舉火縱葭葦矢礮橫
相攻孤城危卵繫萬眾方瞠目禁呵疑神鬼樓堞幸少完室
廬剩荆杞附郭尤慘淒頽垣半傾圯迴思承平時海南誇麗
侈巨舶通重洋珍貨聚寶賄珊瑚門七尺明珠炫百琲宴客
紫駝羹金盤膾雙鯉妖姬促膝坐僕妾厭統綺笙歌徹夜喧
紅燈照江水豈知罹鋒燹圍宅倏遷徙窟身榛莽叢流離迫
凍餒盛衰有循環天道詎終否比聞夷務輯囊弓竚旋凱微
勞獲甄敘廝卒溷青紫虜驕愁反覆私憂切桑梓昨覽檄夷
書疾聲恣醜詆忠義乃在民苟祿亦可恥古人重召募鄉團

良足倚剿撫協機宜猖獗胡至此我朝况全盛幅員二萬里島夷至么膺滄海眇稊米廟堂肯用兵終當掃穢秕微臣憤所切陳義愧青史蒼茫望嶺嶠撫劍獨流涕

老兵歎

金門已逼廈門失老兵歎息爲我說借問老兵汝何來道路飛書連兩月公家程期不得緩兩腳癢瘰皮肉裂老兵患苦何足陳我家主帥孤大恩廈門屯戍兵有萬况又鎖鑰連金門當時烽埃眼親見主帥逃歸竟不戰獨有把總人姓林廣額大額又多髯自稱漳州好男子當關一呼百鬼瘖可惜眾寡太不敵一矢洞胸腸穿出轉戰轉厲刀盡折寸鬻至死罵不絕嗟哉漳州好男子爾名曰志告國史安得防邊將帥盡如此與爾同生復同死

定海紀哀

定海地濱海地瘠民又苦縣小無兵不可守縣中居民無千戶吏民勸官去官曰死此土虜來益眾勢倉黃官投之水甕宮旁如此好官我慘傷問知侯官人頗云能文章一子子蔭襲我爲紀其詳大書定海知縣姚懷祥

王剛節公家傳書後

皇帝廿一載逆夷寇邊陲定海城再陷三總兵死之其一鄭國鴻其一葛雲飛公死尤慘烈寸磔無完尸親軍數十騎麇

戰同燼灰先是裕制軍仗鉞往誓師余督爲犄角三鎮受指
擣要害議分守險艱安敢辭甬東僻海陬鋒又苦新罹流亡
招未復怪鳴啼蒿藜荒郭背厓砦曉峰何嶽崎竹山障其南
仄徑窮煙霏兵法忌阻隘技擊無所施我我九安門獨力誰
能支公率壽州兵帳下多健兒烈柵據峯坳彼虜潛來窺我
兵壁壘堅無從抵其熾賊退攻竹山巨礮轟奔雷乘勢破曉
峯城角忽崩推公廼急赴援事已不可爲鄭帥斷右臂裏創
強撐檣張目猶呼公陽陽如平時葛陷賊陣間血肉膏塗泥
或云没入海舉火欲設奇一酋自後至刺及裂其臍惟時海
色昏頽雲壓荒陂公棄所乘馬短兵奮突圍前隊旣淪亡後

伯韓詩鈔卷六

六

隊勢漸危相持已七日援兵無一來公死復何憾公名日星
垂昔年戰渾河奮搥鞭羗夷平徭盪苗疆奪蝥居前麾鯨鯢
坐可屠何論鼠與狸命將惜非人錯置乖機宜傳聞祭纛日
公潛語所私吾已辨一死此行必不歸後竟如公言失策那
可追大帥奔甯波招寶旋傾頽同一委溝瀆可憐損 國威
颶風吹怒濤沿海半瘡痍老弱僵道旁婦孺走且啼稍喜劉
中丞鎮定安遺黎用兵今兩年我 皇日嗟咨旣苦經費絀
又虞民力疲專闡成空名文吏習罔欺寇至軍已逃兵多餉
空糜頗聞陳將軍戰歿江之湄歸元面如生大名與公齊世
論泥成敗事後多詆謔若公等數輩使建大將旗進可殲凶

鋒退必堅藩籬何至貽隱憂歲幣爲羈縻國家重武略忠
義懷前徽死事例議恤優典極寵綏諡公以剛節祀公有專
祠公名曰錫朋傳者宣城梅我爲補所遺長歌告子悲

狼兵收甯波失利書憤

城頭黥澹城門開天狼星墮聲如雷赤髮猙獍遽突出飛礮
如雨從天來我兵直入不畏死前軍失陷後軍止妖童噴霧
作狡獪截江關殺火又起迴軍與角者爲誰巴州都土幽并
兒手中剩有槍半段大呼斫陣山爲摧危哉銜枚誤深入一
賊橫刀勢將及抽刀斷賊搃其馬揮鞭疾渡水沒踝背後但
聞號呼聲狼兵三五奔出城可憐此軍號驍敢手搏鯨魚口
生啖柰何一炬付燼灰勾餘山頭鼓聲慘將軍失計空頓足
潰軍兩岸罣且哭斷後尙有牛松山強弓百石力能彎不然
三百虎士無一還

朱副將戰歿他鎮兵遂潰詩以哀之

將軍名桂其姓朱膽大如斗腰圍粗願縛降王笞鯨奴臨陣
獨騎生馬駒甯波三鎮新失利大帥倉皇欲走避公橫一矛
踞帳前此輩跳跟那足畏我有勁軍人五百自當一隊往殺
賊大兒善射身七尺小兒英英頭虎額紅毛叫嘯總戎走我
峩舟山棄不守鎗急弓折萬人呼裏瘡再戰血模糊公拔鞞
刀自刺死大兒相繼斃一矢小者創甚臥草中賊斫不死留

孤忠是時我兵鳥獸散月黑漫漫天不旦中丞下令斷江皋
亂兵隔江不敢逃敢有渡者腥吾刀

吳淞老將歌

吳淞江口環列屯吳淞老將勇絕倫連日鏖戰幾大捷沙背
忽走水上軍援軍隔江僅尺咫眼見陳侯新戰死大府擁兵
救不得金縉日夜輸鬼國

鎮江小吏

吳淞破逼鎮江鎮江小吏來約降約降持何物比戶括繪玉
鬼奴拍手笑小吏相嚮哭米粟旣盡供縱啖牛羊肉小吏低
首持牒歸沿江杉板來如飛官家和戎非得已明年及早修

戰壘

伯韓詩鈔卷六

八

紀聞八首

邊徼苦夷氛所至輒糜爛姚侯一書生孤城乃能捍澎水潛
設伏火攻出深算東顧幸有人藉以抒宵旰

籌兵先籌饟任謗兼任勞文武職守異事權患旁撓大尉往
交驩頗牧如漆膠用能制鯨鯢溟渤偃洶濤

木岡環亂山野番恒雜處奸民恣劫略蛇豕紛蟠踞滋蔓當
預圖番夷漸歸附內亂苟不生外寇豈足懼

制敵當以奇攻毒從其類巨盜招使降結之以恩義大府躍
馬來羣酋皆羅拜謂公能用我奮勇當一隊

驚獸難遽馴草木識威德衣冠化殊類子弟列學職昔日盜
弄兵今日往擊賊鐵纜沈巨舟鬼方黯無色

寇恂屢典郡辦賊才可倚名世抱大略半從州縣起五虎舊
分符方面重責委勝兵得千人疾驅塞鹿耳

諸將擁節旄獻凱多侈辭大勇功不居鎮定如平時但云夷
舟退首虜付有司守土自臣職寵祿安敢知

忠讜本素性綜練白詩書君家惜抱翁迺是韓歐徒絕學承
一綫吾道信不孤努力濟時艱所望宏遠謨

癸卯九月朔日集萬柳堂宴姚石甫丈席間話臺灣事

慨然有作在坐者爲陳頌南蘇賡堂兩侍御梅伯言

伯韓詩鈔卷六

九

馬湘帆王少鶴三農部何子貞編修主人海秋夫子

暨予凡九人

癸卯月在酉姚侯自嶽出天斷信明聖忠憤得少泄湯子亟
置酒簪紱萃賢傑潭潭萬柳堂東峙屹兀荒寒餘古意驚
飈蕩白日酒半競問公守臺何施設夷舟作何狀攻戰復何
術公笑謂眾賓茲役那忍說獨有巡臺時一事差快絕夷船
大創去四戰皆告捷虜首翻獻誠通事來請謁聲言聳天威
願一仰麾鉞公時私自念鋒鏃今少歇和戎計大局生虜悉
付給單舸往撫之藉此覘窟穴杪秋蜃氣肅海面如鏡澈清
風送歌嘯杉板坐長筏番童搖雙槳容色白勝雪約略十數

輩斂首拜起訖使君請出看我舟殊詭譎蛟龍掣大纛五色
下雌蜺青紅搖海市幻出金銀闕鷓首盡東向鼉鼓有行列
六礮轟雷車怒潮中吼裂公問此何爲番目語吃吃謂此小
夷禮微誠幸得達國主千萬壽或有大慶悅每船張百旗金
碧爛磨夏下此禮稍殺幢幡未可埒君侯威德盛義當備儀
節行行已逼近歡聲沸蛟窟登船皆聳觀兩邊列刀鞞鬼奴
以次上免冠掠毛髮鋪牀紫羅毼貼錦紅鞞鞞咬啣羅珍異
華宴促密室龍鮓味肥美亦有鷓與鰈老將頭虎毛巨口恣
啖啜一酋捧頰盤乾臘秘以醇云是本國味鸞刀親縷切酒
酣縱鞞脰銅鞮助嗚咽鞞臂復蹈舞迴帆轉蕭瑟我聞神爲

伯韓詩鈔卷六

十

王震盪墮心魄豈獨燁國威道力何勇決在昔郭汾陽免胄
示回紇古今事則殊忠義迺一轍去冬公被逮朝議紛鬱怫
袖中萬言書誓欲奮喉舌旣思天聽卑公論不久屈果然脫
羅網覆盆照湮鬱陳湯冤不訟周勃口終訥將才出老儒吾
輩見管葛異時任鈞軸醜虜豈足滅惜哉罹讒構恐遂老耕
塋平子方臥病謂亨甫說尹痛至骨我亦江海人一腔積熱血
昨朝喜見公爲我話端末汝翁吾舊識意度蘊恢闊黎陽捍
孤城殺賊事最烈汝今世其家規矩就前哲錚錚利言職尤
當慎所發座中數君子神采煥厚豁聞有東槎集兵事頗囊
括文章亦公器瑕垢同盪抉霜高風色厲簷鐸戛金鐵驅車

徑歸去疎櫺上寒月展卷誦公詩歎息復屢輟夜深不能臥
肝膽蟠峯硯洵濤疑在耳奇境恐暫失他日告史官茲事載
直筆

張亨甫出示武侯遺像感賦卽題卷末

張子毅烈人世但知其詩蕭然寄一室今古究所宜示我宗
臣像云是帝者師草廬緬英風老柏餘古姿伊呂世亦有天
運不可知幽人方臥病落木下荒祠行藏誰與言沈冥且觀
時

校正亨甫遺集作詩志哀

昨日往哭松筠祠忍淚再讀松寥詩悄然風號萬竅悲降婁

伯韓詩鈔卷六

十一

睽睽無晶輝老鶴欲語聽者誰我昔遠遊類羈雌長安逢君
少壯時怒馬獨出黃金羈紅燈綠酒相娛嬉墨瀋一斗翻淋
漓朝吞千龍暮千罷忽然拂袖遊書溪遠探禹穴尋會稽遂
登黃樓望九疑猩猩叫煙鶴啼造化劊削愁肝脾南來跌
蕩詩愈奇公卿名滿紛走趨氣高蹇嶮頭不低欲止莫尼行
莫追獨憶故人東海屋澎湖高建十丈旗再戰再捷剿蛟螭
咄哉小醜猶猖披沿邊屯堠無完陴君時避兵走浙西戰場
白骨歷險巖皇穹仰視哀蒸黎傳聞和戎餌島夷羣飛刺天
毀功碑君方抱病吁且唏故人檻車奮相隨天門且喜翔金
雞朋舊往還暫軒眉店鬼肆虐肺已萎侵晨視君坐牀幃卷

帙束筍一尺圍屬我編刻語嗚伊刪者觸筆挽爲瘦存者加
墨或領頤宿心已了遽蛻遺姚侯哭君淚縷縻爲營輻送
之歸將蒐遺草付剮劊如此高誼所見稀案頭遺像何頎頎
二三小兒角槩碁黑白鬥戰荒是非旁有美姝捧玉杯大醉
出門坐荒陂想見哆口談龍變嗟予薄宦恒苦飢正直可羞
變脂韋青天寥寥雁南飛他日有過誰子規

浮邱子輓歌

浮邱子騎鯨已上天空餘浮邱之書數萬言平生論交滿天
下晚與夢鶴相周旋浮邱子九十篇天人王霸雜出於其間
觥觥大節老愈堅鷹隼一擊禡巨奸不辭貶官耽著述朋酒

伯韓詩鈔卷六

三

往還無虛日去年招我萬柳堂澎湖大帥坐中央同遊數子
盡豪俊縱談海外須眉蒼百年鼎鼎過箭疾諸老風流那易
得東槎已貶降婁死高視乾坤黯無色浮邱浮邱真吾師推
賢嗜善無倦時可惜名高尚叢謗改人流涕爲作狀翩來白
馬何渺茫散髮九疑下大荒

寄魏默深刺史

魏子別我時授我書一編謂是海國志幽遐靡弗宣方今急
邊防疲氓未息肩苦心著此書搜討頗有年始議戰與守繼
繪其山川島嶼涉窮髮一一列簡端所惜身卑微無由達天
關捫載悉見付謂我宜代陳涼秋事稍暇按圖窺九邊孰爲

佛郎西孰爲彌犁堅孰爲歐羅巴蔥嶺相鈞連孰爲準噶爾
吟壤接荷蘭展卷尙茫昧掩卷爲長歎邊防須整頓所急惟
材賢天下理萬幾日昃無餘閒况聞茲書出市賈紛雕鐫輦
下諸要人爭買不計錢 天聰儻易達無竢子小臣持此謝
魏子久要愧前言

長安兩少年行和湘帆農部卽贈逸齋叔起並簡子壽
馬君示我長安少年行軒然大波挾滄溟掉頭東望九州隘
吞吐海氣碣石青兩少年何奇崛一爲韓生名朝元一爲帥
生名遠燁自矜老眼無眩惑二子英妙萬人敵平生志欲干
伯王低首草莽不肯屈咄哉少年爾何賢口誦經史四十四

伯韓詩鈔卷六

三

萬言昨持新篇往贈我檠檠老筆凌秋煙九衢塵霧驅如雲
馬蹄隱耳如不聞邇來士氣苦卑狹得此頗足張吾軍海上
烽烟况不靖鞞肉坐生時難更司農仰屋多隱憂東南力竭
誰請命兩少年唏以吁抵掌大言陳唐虞五餌欲繫單于首
九府不數周官書牛鐸黃鐘本同調蠢蠢朝行任嗤笑二子
好賢勝似我况又譚詩近道要魯有兩生不識時漢有兩龔
無人知馬君老眼信不謬荆門臭味無差池古來烈士多晚
暮少年如龍亟飛去咄哉少年柰若何手迴日車挽天河青
春縱酒爲爾歌

子貞出示顧南雅前輩墨梅橫幅題詠幾滿吾師文安

公亦有詩爲題卷末

平叔氣若山梅清談詩許我近正聲偶然評畫出此卷槎枒
老筆紛縱橫諸老風流緬當日吾師湖西餘手跡小石小草
亦徒爾大息江山無此客

與張石舟論古音有契

天籟生人心伶倫協聲歌丹山巢鸞鳳雌雄鳴相和虞韶發
高調一夔已足多九招及三象伊周無殊科折楊嗑然笑靡
靡工吟哦桓譚侈繁音景伯噉迴波馬防暨盧賁稍足異傳
譌一千八百聲舊譜同摩挲見譽猶應鐘愧汗生顏酖八能
列端門奏版平不頗冷冷正始音無復謳陽阿

伯韓詩鈔卷六

古

得石甫至蜀書不忘萬柳舊遊因題其後

蜀帥非嚴武悲歌惜浣花廉頗猶善飯杜老已無家書寄哀
煖淚雲開棧道斜柳條攀折盡無處問東槎

同馬止齋刺史遊澄懷園作并呈何根雲張小圃兩同

年

廣廈須大木偏絃難獨張翰林育才地澄懷玉爲堂林木湛
清華池荷生暗香員嶠多仙人雲鶴方高翔明霞招我餐出
郭航酒漿塵纓此暫濯心與水月涼老儒抱琴來慨然彈清
商彷彿聽穎師浮雲忽飛揚

張受之空齋畫靜圖子貞太史既用東坡墨妙亭韻爲

題一詩又云受之名辛善篆刻欲得余詩鐫兩印見
貽余感其意爲次前韻奉酬

世事翻覆如谷陵空齋欹枕方膏騰打門狂客笑攜手爲言
江東張季鷹平生眼高空四海謂我冷面鐵有稜尤工篆刻
通籀法前有李斯後陽冰昨劉雙石持贈我謂與予好此可
憑細玩鈐鏤出劍氣老筆那管俗眼憎鐵石持名競趨走排
窠闊落堆霜繪玉堂清詠况峻絕龍門百尺誰敢登十日五
日坐疎懶自倚吾真非面朋書來索詩屢促迫戲拈秃筆揮
剡藤楊玉姜趙君自足妙兼四子傳一燈他時訪碑到雍麓
高節更企喬與鷹

伯韓詩鈔卷六

五

酬會滌生學士

昌黎昔有言辱贈久不報兩年寘懷袖往復看愈妙夙好鬱
未伸過時亦自懊報施路苟絕何地言忠孝

閉門希人事日取舊書讀佳客時一來挺如蒼玉束城西老

執法

謂頌南侍御

共我抱茲獨空山儻可招南望飛鴻鵠

飲河飈一勺問道魚千里我生寡交遊亦有二三士古人貴
直諒面朋乃可恥從容詢本學且先治經史

吾粵號能文頗數龍與王方姚得所師火維開南荒連璧耀
孔翠後生無等雙誰縱入紘豈堅壘築受降

洮河有綠石可試桂溪刀雀環日摩挲安用縛錦條處堂忘

積薪吏胥徒疲勞澄清且埃時口語毋譏謔
往年識石叟掀髯出獄囚睥睨萬人中真氣壓九州勁木凍
不撓利劍無寸柔灞陵何足誅瓊瓊計恩讐

飢蛟不受罾倦鳥不忘飛來日誠大難去日曷可追填胸空
五嶽卽事忽已卑寡過謝未能吾友知昨非

昨聞臥微疴習靜老子宮疥癬何足憂外治勤內攻妙語說
秋菊新寒生井桐安得分刀圭澆汝壘塊胸

我愛秋懷詩涼露滋高樹潏然天地氣萬古自吞吐曲言亂
正學蟲鳥繁箋註願子日進德親行迺不誤

宣聖貴講學汲汲不知老薄俗挽使溘所懼鑿天巧顧我如
陶潛甚悔不達道黃唐發微慨與子惜素抱

况芝房炊雪圖

屋上啞啞啄凍雀屋前雪花如掌落老婢掃雪作晨炊解讀
父書惟此兒兒能忍飢母心喜三十成名母老矣他年鼎食
尋常事安得寒葵常負米

正氣閣詩

并序

宗滌樓戶部於都城西偏建一閣顏曰正氣祀越中
殉難諸賢自明末迄今凡十三人首倪文貞公元璐
施忠介公邦曜周文忠公鳳翔劉忠端公宗周祁忠
惠公彪佳次王成公會孫先通及其子業泰附祀者

余忠節公焯張忠節公焜芳何文烈公騰蛟嚴忠節
公起恒最後則定海總兵葛壯節公雲飛上海典史
楊慶恩也與祭者九人各賦一詩道光丙午二月琦
爲之歌並記

十有三忠萃於越燕臺肇祀春二月綽楔大書正氣閣敬恭
桑梓事尤烈自從甲申遘陽九義士纍纍甘死守東西兩浙
羶碧血異代精靈孰先後廟兒百列倪施周蕺山寓山典型
留王余張嚴並迭起磊磊名姓尤九幽邇來妖氛熾海國舟
山血戰誰最力同時楊尉死亦慘嗟爾微官不負職稽山鏡
水搜逸志宗君此舉有深意莫辭得酒同酌酌要使儆夫識
忠義九衢馬足多黃埃高樓徙倚生遠哀酒闌揮手各歸去
南望蒼涼隔烟樹

伯韓詩鈔卷六

七

子壽將歸作螺洲曲見志余爲廣其意得七章

螺洲家在螺山曲老親七十鬢毛禿自言山中足風露年年
收穫多芋粟人生養親乃至樂况又聚居偕伯叔歸兮歸兮
螺之麓呼吸山光亦不俗

螺洲之居濱大湖有田可耕水可漁南山飯牛白石粲夢想
安能忘唐虞牀頭蒯緃劍一映布衣甘作山澤臞注籍况有
百甕菹橫腰萬釘莫羨渠

螺洲生兒如仲謀有弟宛邱長若邱平生讀書一萬卷歸來

高築滄江樓青天明月不用買南望洞庭東北流更欲登嶽
叩金簡揮斥六螯隘九州

螺洲著書號樞言笑過漢代徐與荀江陵每思救時相覈材
量交首知人可惜閉門老著述論衡中說人不識似聞眾夫
指我笑挽士一寸輒退尺

螺洲憂時一何愚前有賈生後唐衢活國未用過秦論低頭
且治城旦書酒酣聽我慷慨歌投壺大笑玉女多銀河清淺
秋不波東方漸高柰樂何

螺洲螺洲將挂冠咄哉勇退人所難兩年刑曹抱案牘錄囚
唯恐民有冤殺三宥三敢爭執白玉指喙顏不歡我知公孫

難正言不用唯諾隨長官

伯韓詩鈔卷六

六

螺洲之山白馬磯仙人採藥去不歸長庚敬爾一杯酒隨風
咳唾流珠暉婁江老子開口笑松寥已往少同調買田陽羨
知何日安得與君雜耕釣

伯言先生六十初度同人集龍樹寺設飲賦詩卻蕙西
舍人詩先成因次其韻

桐城倡東南文字出澹靜方姚惜已往斯道墮塵境先生年
六十靈光餘孤炯絕學紹韓歐薄俗厭鶉毳古稱中隱士卑
官樂幽屏文事今再盛四海勤造請獨有愛才心餘念付灰
冷城南龍樹高涼露聽新警拜手持一觴夜寒燭當秉

和湯敦甫師相遊龍杖歌

蕭山夫子七十餘前年致政留京都蒼顏白髮謝簪裾腰脚
輕健不用扶舊宅十笏城東隅荒園草草瓜與壺中有遊龍
雜葦蒲紫花爛漫秋不枯鱗鬣漸老根生鬢笑謂畦丁無鬻
除製以爲杖形狀殊堅比赤藤輕若無直逾叩竹中則虛鐫
銘示我屢歎吁自言老退思江湖家無桑田八百株又乏橘
官千頭奴便作寓公聊自娛人生隨地皆安居飽食緩步可
當車且學老圃往荷鋤草木位置不粗疏長公近亦歸衡廬
童稚繞膝讀我書親賓過從語踟躕年年根節勞爬梳良材
如此當預儲榻載分致諸老儒愧我樗散非世須問道儻許
談其粗夫子神完老愈癯誰陪履臆健走趨延年作頌敢近
誣豈但功與靈壽俱難進易退古不如

林薊溪海上仙龕圖

吾宗慤陽遊閩川黃庭秘經傳千言首云煉已要精堅朝屯
暮蒙包坤乾河上老人來探玄乘風徑向長安住長安車馬
半塵霧塵霧勞勞難久羈飄若浮雲又西去我知海上有仙
山山中仙客留茅龕左龍右虎未馴伏河輈欲轉無指南一
日藥珠出外篇萬靈拱手玉晨前迷者莫悟墮九淵皆云爐
鼎事虛妄豈有黃芽白雪生丹田葛陂扶杖喜再至謂我忠
孝有根器五厨心印肯潛授一卷參同在默識十年面壁苦

不早青眼高歌似君少海邊蛟蜃行揚塵唾手英雄事未了
丈夫當封萬戶侯功成乃與赤松游不然亦如魯連子飄然
拂袖凌滄洲日月跳丸去不復閉門日取赤文讀五百年來
一攜手兩人笑齒粲寒玉恒沙袞袞無停波魯陽那能迴天
戈仙山未遠在塵世黃金不成可柰何

戴雲帆水部陞山載筆圖

陞山昆明之主山湖水百里種花灣翩然載筆作地志碧雞
金馬劉堅頑卽今水曹寒徹骨老郎頭白耽著述酒醋拍手
爲大笑史館諸公敢奴此

逸齋藏畫馬四幅屬作畫馬詩

伯韓詩鈔卷六

辛

帥子嗜畫尤嗜馬舊藏畫馬凡四圖紙墨黯昧無欵識畫者
自署三寶奴或云鷗波留戲墨又疑雄駿摹江都卷中題贊
半老宿陽明山人非腐儒當時行陣親校閱一一細辨窮錙
銖雄筆偶然縱揮掃妙意已得遺毛膚古來真龍未易識愛
肥固非瘦亦誣莫誇畫骨泥古法更難望風識神駒金臺遺
址况榛莽羣馬齟齬塵中趨錦韉玉佩自矜寵奚官飽食甘
牧芻頗聞苑門三萬匹驕蹇不足供鞭驅落日吹角邊草枯
誰持此圖獻九衢曹霸韓幹今有無莫使騏驎地上空趨趨
寄題桐城方植之寒巖獨往圖

漢宋紛爭自古今一編商兌少知音晚年更悟無言旨枯木

寒巖獨此心

送唐子方出藩武昌並寄子壽

潭潭臥虎英雄姿西塞半壁憑撐支關中大府號能事

謂少穆先

生管鑰付公一手持前年躍馬至京國指陳罕開識兵機屯

田大計畫長久餘事况復工文辭長安紆轡勞過從抵掌言

笑無厭時少年遨遊記嶺表袖中東海藏蛟螭自攜夢研圖

一册勸我試作夢研詩荆門詩客我舊識披露肝膈無溢詞

神武挂冠惜歸去吾道孤矣終誰希側身太行望西北荒沙

鳴雁鳴且飛太倉坐食竟何補欲言不敢慚職司昨聞雄藩

建江漢春風軒軒更伸眉城西行館丞相訪謂我倦遊胡不

伯韓詩鈔卷六

廿

歸拾遺一飯感孫宰季布片言重關西古來高誼充獨守如

公愛才尤恢奇乾坤納納待開濟吾願甘與黃石期他日扁

舟渡湘水螺洲話舊同酣嬉

六月二十一日邵蕙西招集同人爲歐陽文忠公作生

日會者凡八人梅伯言農部曾滌生閣學龍翰臣侍

講孫芝房編修劉椒雲學博周子靜孝廉以天下文

章莫大乎是分韻得下字

廬陵號醉翁風貌殊瀟灑雄文啟曾蘇浩如江河瀉龍門波

九折五代縱搏摺至今奉瓣香衣冠盛日下嘉辰舉祀事拜

手陳雙笋是時雨新霽簷竹秀而野主人雪西彥潭潭開廣

厦亦有宛陵裔扶衰今大雅同時二三子英英並作者嗟予
最拙直偶一乘驄馬舞陵幸未謫自笑學瘖啞每讀公諫書
規刺不少假當時疾若讐聖主不我舍歸田漫著錄思穎自
傾寫廬山何高高落月照屋瓦詩必窮後工名亦天所赅有
儒抱琴來且祝先生嘏幽蘭試更奏莫謂知者寡

櫛湖十子詩鈔卷七

怡志堂初編

桂林朱琦伯韓

九月十日發通州

出自郭東門海氣迷煙樹買船下通州解纜日已暮悲風決
浮雲大野豁積霧落葉何蕭蕭帶雨自飛去晚來天氣清山
月看徐吐已矣謝故人吾將侶鷗鷺

度閘寄楊疊雲漕帥

鳴金宵半水門開銜尾帆檣次第來河勢盤紆連兗豫權聲
喧沸挾風雷忽思飛輓關天庾恐有飢民竄草萊全局預籌
真不易夜寒星斗望中台

伯韓詩鈔卷七

寄李石梧制軍

鍾山氣象尊龍虎相踞蟠大江直其前百丈雲濤翻我來登
此山始覺天地寬東望石頭城菰蒲靖荒煙淮海倚半壁控
御亦大難開府建牙節令嚴肅幢幃顧乃降辭色照人肝膽
寒野鶴未可馴飄然謝籬藩酒酣徑辭去乘興遊隨園竹樹
何蕭疎巖翠滴簷端倉山小營構未脫儒生酸胡爲盜盛名
遽掩惜抱軒公子我舊遊文采殊翩翩因風寄嶽雲鼓櫂下
湘湍

陶鳧香觀察出示唐六如遺像爲題一絕

金昌亭上曉風清燕子春寒夢不成欲向湖西問遺跡桃花

菴裏拜先生

飲劉曉川郡守衙齋

微雪灑荒江春壑生媚姿我從黃州來飛渡赤壁磯漢水已
漸綠武昌魚又肥清風挂半帆徐徐送我歸故人方典郡竚
立江之湄叩閣聞歌呼鷓鴣紛追飛問我出都時送行復阿
誰歸塗紆東南秋山飽清暉知已良無多酣飲日已西夜寒
爲此詩歲除忘旅羈

洞庭望君山有懷吳南屏

洞庭風寒春水綠君家遠在鹿角驛波闊帆小望不到一髮
君山青接席聞君艱疾尙著書巴鳥湘花吾友于安得叩門

伯韓詩鈔卷七

二

慰寂莫酒酣畫作南屏圖

枕上

春水一篙綠喧聞欸乃聲薄寒侵曉日微雨過山城客夢湘
中熟谿花枕上明老親方北望憐爾未歸情

泊長沙贈李眉生太史

君昔別我贈我詩我臥長安未卽答君又欸欸有書來勸我
堅忍伺時發辭雄義古未敢荷虎豹九關氣先壓却思小臣
太狂疏屢奏貶斥桑孔書汲黯守高不相下賈誼志大翻成
迂昨抽手版付時宰歸養我親亦良圖秋高九月雁南飛哀
鳴滿眼洲渚非似聞東南困軸杼歲額不滿猶犁追有司匿

災懼蒙譴變法求濟姑涉危尊公鯁亮三江督四患直陳連
奏牘河干貪吏劇劾去海上飢蛟防竄逐接膝話舊何勤懇
呼兒出拜盡敦樸君時謁歸湖之鄉憂樂天下雙涕滂卽今
遲子過岳陽側身洞庭望八荒中流擊楫慨以慷我歌子聆
飲一觴

泊嶽麓重憶南屏並寄子壽

洞庭挂帆雨冥冥洞庭之西嶽麓青閉門著書不求仕荒山
乃有吳南屏昨乘北風過鹿驛風怒不休泊不得回頭更憶
螺洲叟獨立江干寒無色

晨起

伯韓詩鈔卷七

三

今晨天氣好挂席趁風行寒日有霽色權歌變新聲倦眠客
方起湘水波正清笑言問漁父似可濯吾纓

雨中

隔岸雲寒石氣濃時時呼酒豁歡悰歸帆細雨春三月疎樹
幾家山一峯醉後愁思彌黯黯望中烟水尙重重伶俜莫憶
他年事已作耕夫問老農

上灘

一灘復一灘亂水蹙浪花刺船與灘爭灘淺露石沙人言上
灘難灘險殊未涯先生笑哦詩安穩如在家灘行信爲險出
險亦可誇

楚地石較多灘急更多石我舟行石上石角怒相逆直前若
攫拏側出似劍戟長年作呀喘并力爭一隙兀兀忘朝晡勇
進不暫息君看蒼厓上篙眼有苔迹

昨過三門灘周遭若門戶前後十五里水平灘不怒舟子爲
我言向憚此灘苦兩厓矗亂石水深石又巨纜長不得力朝
進困日午今春灘水高坦涉如平土遲速各有時人事難逆
睹且分賽神錢明日買雞黍

沂流至河洲洲水碧如染岸旁多大屋雲水低冉冉漁家雜
三四回波門濫激灘形若漸平路轉傍重隰急流至厓出亂
下如雨點平生誇詩膽對此稍懦斂細思却不然茲灘未爲
險人心自嶽巖爾節毋過貶

伯韓詩鈔卷七

四

南去逾歸陽遠望連九疑灘水日以高壩多行愈遲僮僕無
歡容妻子或咨咨先生坐不問日飲酒數卮反謂灘勢奇縱
筆多瑰辭湘雲有遠意湘水生媚姿聽我上灘謠艱難慰篙
師

上灘續得三首

一人前持篙眾篙挺相赴後者復絕叫辛苦得寸步回看下
灘船如鳥迅飛去順進誠足快一纜不得住往往觸抵石蛟
龍愁日暮我行雖湮滯晚達非不遇卻思失足險橫流使人

懼

前灘連數舟同行復同泊灘峻約同躋鷗鷺義不薄我舟昨
小停人少灘勢惡彼舟遂獨進不復理前約人生各利鈍退
步亦差樂獨念艱苦中未可暫住腳直上望扶持同心莫漫
託

我爲上灘難聊作上灘謠擊楫偶一歌已覺風騷騷灘神若
護持魑魅不敢驕似聞零陵間兵火已盡銷莽莽連崗谿村
煙半蕭條且喜故人近春星若見招我生仗忠信不用多憂
勞

憶昔一首將至浯溪作

十載湘鄉別後思孝廉船記北來時布帆盡攬巴陵勝雲海

伯韓詩鈔卷七

五

難忘嶽麓奇白髮漸多慚對鏡青山看慣轉無詩意中尚有
浯溪好且往扶藜再讀碑

登唐亭

我行本是重山水行到瀟湘又不同巖壑都教發幽邃文章
亦與變清雄難迴天地扁舟裏獨立蒼茫夕照中更向浯溪
亭上望荒崖斷碣識孤忠

上有魯公
中興碑

有感

溪邊白鳥忽飛去嶺上閒雲自往還兒女團圞供笑語果然
詩似白香山

銀就新篇似得官苦吟終日不知寒此中真意無人識留與

江南子布看

平生詩律門清嚴慚愧僧寮泥一椀
昨自黃岡樓下過斷崖
千尺雨纖纖

盛衰哀樂那能忘彈指光陰百歲忙
我自飲河期滿腹不須
三萬六千觴

彥倫矯矯猶充隱魯國堂堂久不聞屠馬毀車亦多事
北山聽爾頌移文

處士偶呼報恩子先生亦是可憐人
醉看萬物浩崩豁一任青山與世新

逢掖何如二千石功名常笑上竿魚
入門問雁吾何恥飽食

逍遙懶著書

伯韓詩鈔卷七

六

春風重掃仲宣樓投紱蕭然百不憂
且喜鷓鴣滿臺閣不來

沙上網閒鷗

魏公當日讀書處聞在黃泥赤壁間
一自秋窗重譜出苦將勳業換名山

湘中雜詠

蒼梧雲老遠天橫兩岸峯多不記名
偶向舟中讀魯論愚溪欲問柳先生

茆葉陰陰不放晴小船曲折傍山行
行到水窮山又轉船頭

更有一山橫

猶記車塵響玉珂忽然寥落感關河寒鴉不帶朝陽色湘岸
春遲雨太多

遙向灘前揖故人天涯知己意相親橫塘一瞥匆匆去衡獄
雲歸已十春

時時送酒白雲邊挂杖從容剩百錢莫說朝餐少蝦菜前溪
又有打魚船

宦遊爭說上灘難浮石灘過白水灘前路鷓鴣啼不斷笑他
惶恐勝朝官

弱女嬌癡呼不鷹伏生口授我何能畫雲猶記見時語細雨
篷窗擁一燈

伯韓詩鈔卷七

七

斷岸青青草色蘇寥寥煙水楚天孤飛來野鴨有閒意添箇
山翁作畫圖

先安筆研爲裁詩對飲三人酒數卮除卻看山情不厭舟中
半是讀書時

論詩五絕句

希聖何人更起衰身尊稷契道甯卑試看李杜光芒在不用
雕鐫出小詩

古人難到嫌才弱陵跨前賢氣太粗用法須窺法外意漢唐
一脉本同符

韓生畫馬眞如馬永叔學韓不襲韓面目各存神理得驚人

猶易愜心難

愈少可珍思漢魏雖多奚補遠風騷我知聖處真難到虛擲黃金亦太勞

漢庭老吏當參取宋史遺編肯博收既說蘇黃詩已盡如何滄海又橫流

始歸有述

去秋出都門冬暮達湘水比歸春未半好花爛如綺上堂謁阿母阿母爲予喜謂言得好歸我疴亦良已呼僕且沽酒老淚不能止別汝今幾年往事細告爾獨憐汝弟遠栖栖戀祿仕微名懼爲累干謁良可恥汝今但杜門學道自茲始

伯韓詩鈔卷七

八

庭西種竹喜粟菊人至欣然有作

割取棲霞峯一巒百年老桂共槃槃寒花恰好留三徑疎竹何妨補數竿樹石無多商皮置賓朋終日任盤姍忘機意自親魚鳥便學仙人也不難

馮少渠大令空山吟趣圖

吾鄉岑溪山水窟前有少鶴今少渠風流千載兩縣令

高密李憲

喬幸岑最久而少渠繼之白雲時憶山中居山中雲深無人迹獨向溪邊坐盤石松花滿地鳥自飛天琴一聲破秋碧

秋未聞舍弟南旋消息

我始還鄉汝在京秋深聞汝又南行獨遊每恨無朋輩投老

相親祇弟兄最憶對牀聽雨夜不堪吹角到天明連歲寇警迢遙
南北七千里細數山程與水程

繕羅氏故園粗畢招客夜飲更名曰藉園

池館陰陰柳色新芙蓉花發有精神莫辭沈醉攜涼月且與
名園作主人幽鳥亦知春爛漫小亭閒對石嶙峋芒鞋桐帽
差相稱只少山翁爲寫真星橋善畫
沒五年矣

菊人飲藉園次和奉答

荒園十畝費爬梳纔護籬籬又澆渠小小茆亭安竹裏蒼蒼
老木愛秋初畫禪花下留雙影桂故年來補一書可惜驂鸞
無副本槲湖今以懶名漁菊人別號懶漁

伯韓詩鈔卷七

九

招集錢石葉飲藉園臨別贈之以詩

錢郎愛梅愛入骨生氣凜凜十指出老幹剝落有新態一枝
忽凍見高逸平生愛梅復愛山寄杖縱遊桂海間新詩脫手
盡冰玉小園宴坐開笑顏亭西枇杷鬱深蔚爲書晚翠兩大
字固知格力老愈堅可惜酸寒甘作尉君家南樓餘畫史廉
吏兒孫貧若此青山可賣佐讀書係履何慚今見子昨往乞
梅贈一幅醉墨奮抹大筆秃友朋珍重意乃爾劈牋更寫苦
未足秋深倦遊遽言歸江湖滿地隻雁飛爲我致聲問湯叟
謂雨生

五畝草堂無恙否

奉題鄒鍾泉中丞家藏墨迹

伯季雄經論黎眉見古心三君宜合傳二老許知音謂汪者文及家

秋夜

落葉蕭疏半打門小窗微雨照燈昏秋涼藉可親書冊世論都教付酒尊元鶴夜寒猶有夢黃花影淡更無言卷簾試放天河入瞥眼飛星過短垣

趙淡仙招同李小廬余小霞飲寓齋指壁間畫梅長幅索題畫爲明季陳如隱作在座各賦一詩紀之

隱君作畫尙古澹詩老流傳二百春只有梅花是知己却從明月認前身吟邊東閣驅寒盡夢裏西湖覓句新與子巡檐

伯韓詩鈔卷七

十

同一笑羅浮可是再來人

楊雨岩孝廉自軍中歸

粵雲指畫氣縱橫匹馬親覘灞上營自謂將軍有揖客未妨衣褐作狂生抗言款寇非長計急借前籌要汰兵太息吾謀適不用蕭蕭塢水獨歸程

江岷樵大令佐烏都統軍事又能調和向軍次前韻美

之

摩天大嶺萬山橫水竇平分南北營兩路旌旗須會剿異方支蔓恐叢生漢朝都護新乘障幕府參戎最解兵何日平蠻揮巨筆再銘銅柱作標程

有感再疊前韻四首

斷藤復據豕蛇橫父老奔呼上將營期後穰苴當實法亂成
侯狗豈聊生頗聞使者寬征戍分遣鄉團貶甲兵尙有陽明
遺策在蠻蹊間道記征程

黯黯霜天北斗橫大星親見落前營中年所感多哀樂萬里
猶堪託死生積劫難收誰始禍披圖未可易言兵時平及早
安耕釣莫恥論封不中程

坐耗空倉任鼠橫斷無利孔絕蠅營納降蘇受疑終叛叩壘
張嬰許更生轉饜難填金作土投戈可藉盜爲兵不辭巨萬
規長久只要司農有準程

伯韓詩鈔卷七

十一

上瑞庚庚兆大橫河渠平準費兼營盡輸金粟無全策那識
梟鸞不並生向寵淑均差解事魏其多易豈知兵爭功幾輩
紛杯酒衛尉何嗤李與程

寄謝定侯伍文山荔浦並示岷樵

獠雨昏昏五管橫高談王霸水西營食桃何恨殺三士綿叢
安能致兩生石鹿久沈餘僞鼎火牛畢竟少奇兵短衣蓐食
尋常事難量鯤魚九萬程

雨岩將行復出南山隴守道莊索句

李白當年愛此山在池州九子間芙蓉拔翠幾千丈中有
高人時往還天台諸峯並羅列隴水繞村隔一彎幅巾他日

容過訪揮手徑去開心顏

潭荔仙虎門觀海圖

天下奇觀莫如海海水之大大無外沐浴日月炫百寶吐納
乾坤真一芥扶桑番舶粵臺東虎門對峙牙角雄三十六洞
在眼底蕩搖蜃市空復空神仙出沒尋常事蓬萊望見若可
至潮汐萬里收尺幅島嶼諸國誰控制滄溟浪高行揚塵紅
淚如珠滴鮫人珊瑚七尺擊不碎宮闕倒影成金銀世事浮
雲變蒼狗鹿角臺荒復何有隻手敢誇能釣鼈爲君且歌將
進酒蜃雨昏昏春氣悄袖石歸來天下小君自忘憂如海客
我亦浩蕩狎鷗鳥

伯韓詩鈔卷七

七

釋言

魯人有曾參自信不殺人慈母告者三投杼踰墻隣市虎豈
無誤鼠璞定非真功利毒人心狂泉如飲醕聖居非不近洙
泗尙斷斷我願躬掃除磨敲成輪囷

小除日卽事

歲事崢嶸逼小除澹香疎影稱山居花能醉客如中酒囊乏
餘錢尙買書識字豈知憂患始早春已是雪霜餘小爐煨芋
灰猶暖剩有閒情說記諸

櫛湖十子詩鈔卷八

怡志堂初編

桂林朱琦伯韓

全州書事

我行已七日始至全州城全州城始開路有行人行僕夫不敢前十里一問程梟狼幸曹匿穴鼠紛鬥爭殺人如草菅血流浩縱橫城中居民哭客子終夜驚官吏來巡城薊城到天明柏耆好男兒謂蔣玉山挺身詣前營持我一紙書談笑竟罷兵騎馬復東去慨然請長纓蒼茫秋氣高我亦將北征

塗中雜感八首

湘嶺雲寒舊徑迷頻年兵火困遺黎蕭條破屋烟俱黑醅酌

伯韓詩鈔卷八

一

荒陂日易西市上訛言猶有虎宵深起舞不聞雞中原戰血何時洗只有空山鷓鴣啼

生怕姦民竄草萊沿江烽堠角聲哀五州團練仍唐伎三戶餘風有霸才烏府先生真脫略灞陵小尉費疑猜姓名漸喜無人識草草輕舸破浪來

獨鶴風前草木兵痛深粵叟說嬰城論鋒不辟漁陽席飯顆眞成太瘦生買罔那堪金又竭招安屢誤賊難平邊隅無計規長久雲黯蒼梧萬里情

子弟親兵久未聞猛勇號總紛紛罷歸丁壯仍爲寇亂後瘡痍尙饑軍燐血三年愁化碧沙場萬骨忍論勳天南莽莽

多戎馬秋老秦淮泣暮雲

樂毅迂迴感大初廉頗畢竟愧相如肯教兩虎成私鬥莫諒
孤轅會債車性懶長安無筆札名高幾輩誤兵書後時堪笑
成迂拙猿鳥留人桂樹疎

亦是先朝舊諫臣歸來嶺海九經春吳門我自懷梅蘄河內
人思借寇恂獨有儲胥關至計可能挾矢禁鄉民異時功過
憑他議且喜閭師有替人

慷慨中流擊楫行挂帆飛鳥一身輕誰供大笑千觴醉要聽
秋濤萬鼓聲殘寇赤眉猶健門腐儒白面豈知兵羽書江上
無消息霜冷浯溪石鏡明

伯韓詩鈔卷八

二

瀟湘自古詩人境我到瀟湘又有詩春草多情秋更綠嶺雲
欲吐意俱遲子規不用啼山水故劍終思答主知聞說
嗣皇能繼聖江湖寥落鬢如絲

至永州晤子卿適清課草堂落成因次韻

先生舊有春星閣講舍還開清課堂雲海萬重收嶽麓烟綉
一幅畫瀟湘樓高盡據湖山勝池小平分水竹光且喜浣花
留客醉夜闌尊酒話江鄉

薜荔牆低山半阿蕭樛老木得秋多柳侯池館誰重拓揚子
林亭此暫過石鼎茶烟香不散鏡潭花影月相磨卜隣猶記
前時約鷗鷺盟寒奈遠何

春星閣小聚數日留詩志別

亂後欣重見三年夙好散友朋如性命耆舊感湘沅衡嶽圖
仍把愚溪柳尚存何當掃雲霧同往看朝暾

白鳥知心事青山似弟兄家風原孝友兒姪繼詩聲嗜研多
奇石藏書又數楹半弓容小住嘯傲稱高情

遠當追甫白近亦逼蘇黃樂府新詩格春星舊草堂頗聞惟
寇亂舉室問蒼茫猶記平田約佳篇未敢忘

策杖頻登眺乾坤復此亭烟迷三楚白山對九疑青別業東
峯起高松北牖聽隔年詩補和留客雨冥冥

夜飲黃海華太守郡閣仍用清課堂元韻留別

伯韓詩鈔卷八

三

杜老憂時餘草閣鄆州清興發谿堂湖山管領須賢守正始
風流到楚湘筆從谷元不易妖星慘淡寢無光秋江烟冷
魚龍靜料理輕帆指帝鄉

七年匿迹老巖阿鄉國驚心寇壘多往事銷沉餘涕淚故人
垂老喜經過蓬蒿已出人應笑湖海年來氣漸磨桂樹團團
涼月小停杯不飲奈明何

題金陵被難記抒憤

父老何哀哀江南江南慘酷胡忍談秦淮之水變青藍鍾阜
積尸高巉巉長毛驍賊狼豕貪紅巾帕額兩鬢髭所至殘破
草菅芟自越永安跨瘴巖禍流岳鄂彌江潭九江徑下奪萬

飄情卒聞風走驚驂遂登石頭虎視眈鳳儀一角摧危嵐將
軍怒馬戰正酣短兵已接攢長機臣力已竭血面皸可痛旗
兵盡數殲生者逃出不二三塵起日靈毒霧涵盡燔塔廟毀
瞿曇囚奴衣冠斷頭領士烈先殉偷活慚教主黃封圍一龕
天父天母聲誦誦經傳三字耶蘇諳摩登百千縱淫妣太平
荒國僞號劉東王令出酷而嚴一館女婦一館男二十爲伍
軍相參母悲弱女手親摻妻望其夫淚眼含臨衢不敢交一
譚老者乘城僵若蠶酋長鞭迫百不堪婦羞出汲米使擔求
生不得強媵媵回視貞魂山之崦厓顛谷墜死亦甜復有弱
質行步繼接屋連巷挂樓簷我有老友何處潛姓名變作吳

伯韓詩鈔卷八

四

門監堂堂鄒公毅且廉罵賊自呼粵撫銜刺其兩臂張怒髯
藩伯涂君微有髯死亦最酷餘難誌咄哉此賊鴉獍兼餵肉
又比黃犬饑問誰始禍吏貪婪投之有吳心始甘我軍疲乏
相箭筈向帥轉門旬日淹飛塹莫越密以覘彼虜畏之如哮
虺狡窟已固難遽探金陵血書達一函讀者哽咽襟裾沾我
亦裂眦濕青衫頗聞連鎮大捷亂已戡親藩威望具爾瞻胡
不乘銳直下平江南

同李春醴同年話舊因留小飲時觀察衡永方籌軍食

壁壘嶽雲變謳思沂水長十年夢京國一紙重淮揚軍府眞
無暇詩情老不忘他時附鴻雁猶易達衡陽

寄會滌生欽使

一疏回天四海聞，兩湖百戰冠諸軍。古來不朽豈文字，天下英雄獨使君。專闢忠勤先論將，幕僚才傑亦超羣。王師及早江南定，褒鄂凌烟策首勲。

望衡嶽一首寄紫卿

衡嶽七十有二峯，峰峰皆讓天柱雄。朱鳥欲下翔紫蓋，劃開南紀尊祝融。响嘯一峰尤僻絕，宇青石赤擎蛇龍。禹跡茫昧難強解，攀援直上愁猿猴。萬八千丈到絕頂，蕩蕩疑與天門通。朱陵洞府在何處，上清金簡藏仙宮。恍聞疏磬作梵響，盡絕樵跡迴霜鴻。南荒火維象星火，幻出百朵千朵青芙蓉。上

伯韓詩鈔卷八

五

有珠簾倒挂之懸瀑，又有臥壑不死之老松。其中雲氣變滅各殊狀，若丹若霞若霓虹。寒日欲出互吞吐，時有烟燄磨青銅。連綿九疑接五嶺，往往遮斷東海東。我來况值秋雨晦，苔古徑滑難支筇。山靈於我似有素，洪厓拍手驚相逢。遽瘴霾見真面，使我一拓萬古胷。北行奇覲此爲冠，豈真潮陽老守哀。龍鍾我生倔屈不祈禱，但喜覓句收詩筒。故人長卷惜失去，妙聲久未酬笙鐘。忽然擲筆向天外，臥想少文追游蹤。暮秋氣漸寒，作懷人詩五章寄粵中諸子。

李小廬

短李雄於詩，乞抱鉛槧韋。廬變舊格險，語無不敢盧。全差

能敵無本畏其膽芒角難猝去蛟鰲欲手擘詩客例寒餓漸
老造平澹時艱况屢邁過從不免減邇來復逃禪高氣乃盡
貶箝口如老衲低心就繩檢升沉了不關小别忽惻慘蓄憤
終一吐冥茫雜百感篝火狐尙鳴石頭虎方眈擊楫誰往濟
拔劍我欲斬高陳伊吕志鷺鷥語非諂江天望閒鷗秋色冷
葭莩

鄭小谷

鄭子在谷口散髮作隱淪西曹早挂冠五十而多聞氣壓三
萬籤腸撐五干文談經專講席說詩少替人好奇自一癖別
欲張其軍滄海方橫流妙語百態新我懶無門志迹異心轉

伯韓詩鈔卷八

六

親飛鳥歡同林流水歡同源不讀老釋書不喜儒家言荒宴
託鬼仙芙蓉城豈真相如實病渴眉公汝前身百怪攪詩腸
僻性未可馴辱贈夸繡衣七字氣益振擾搜粵天末南溟有
潛鱗

粟菊人

菊叟性愛菊襟襟殊落落耆英九老會高躡緬嵩洛真率我
亦預啟期行帶索藉園荒前遊花竹耽獨樂懶漁雖云懶奇
語亦間作櫛湖句屢賡山色秀可奪尤工擘窠書落筆氣磅
礴鍾張疑再生謬賞到來鶴餘力及水墨透出紙背鏘前年
游京師山水富行囊垂老多苦辛翩然返舊壑啜菽每興歎

令子一个弱課經時教孫低首再入幕臨別意惻愴贈我比
金錯盛衰各有時俯仰成今昨紛紛少年場金石安可託

馬雲谷

雲谷毫而少出語甚敦樸八十始爲詩老學惟汝獨他好肯
盡捐屢問不厭瀆白鬢飄徑尺頗似綠坡竹平生精畫理所
畫三雲谷舊圖惜盡失丹鉛苦不足分書亦絕妙餘事紀瑣
錄辛勤梓人傳義不憚勞辱萬間留遺構坐臥一小屋垂虹
踏長橋勝事今再續探囊出新詩冰玉粲盈幅望我爲名臣
詞侈義則篤淒淒灘上謠苦語難卒讀扶杖望兒歸何久耽
微祿

伯韓詩鈔卷八

七

趙澹仙

君昔執我手向我索詩序自言生性僻拈髭吟聲苦醋甕幾
誤入布衣頗自許不惜千鍛煉別闢一壇宇劖削眞見骨樸
野彌近古孟生銅斗歌踏浪不踏土賈師井口句三年淚如
雨君亦用此例銳欲圖客主石桐坐小閣惻惻老鶴語秋風
號萬竅鐵笛有何譜詩史辱見呼傷亂共淒楚百年多苦心
坐此感羈旅

同友人飲舟中

多言乃數窮易盈非大器至人不立異學道貴默識坦懷說
恩怨如道尋常事微生耿自知臨境俄難制六鑿况紛擾野

馬倏奔駛造化惡作劇世態等兒戲望遠生愁心咫尺不得
至枕邊一夜夢淚滴相思字

我生五十三歲月去如瀉較君長一歲所歷足悲咤頻年抱
軍書揮汗度炎夏秋涼秣吾馬去矣策高駕亂定始思痛事
過猶夢怕唐衢本好哭侯生或遭罵時急暫相倚氣高兀不
下寸田恐自荒默爾守耕稼向平願粗了兒女聽婚嫁平心
得解脫回味勝啖蔗且共歡此飲對月美清夜

長沙官吏祭軍門塔齊布詩以紀哀

前年痛哭江中丞誰其繼者塔提軍中興以來數將帥林公
之後三忠魂巴圖魯號天下聞論功終當畫麒麟潯陽忽見

伯韓詩鈔卷八

八

大星隕目毗盡裂烟霾昏爲猿爲鶴那忍論洞庭浪惡愁鯨
鯤當時決策竟東下樓櫓蔽江如雲屯武昌踢到黃鶴碎赤
壁萬舟一炬焚奇謀勇士何紛紛督師者誰曾大臣拔之偏
伍付將柄 天子動色稱知人三十登壇絕等倫壁壘一

變號令尊都天健兒來歸附飛鳥不敢當轅門平生愛兵如

弟昆飲啖雜坐笑語親又聞臨陣有異馬生死一心同苦辛

九江天塹波汙汙城頭逆醜壓壞雲一腔熱血何處灑眾口

啞啞聲潛吞昨者歸靈衡麓嶸公與二公當爲神羣吏跪拜

圭俎陳巫咸上天訴於闈專祠特建加愛恩我舟北渡湘之

濱怒風不息吹沙塵汀蘭澧芷淒餘芬投以湘纍萬古之奇

文淚傾長江濁浪渾鳴呼得不哀痛三忠魂

重過李梅生舊居讀遺集題卷後

生死交深兩世憐騎鯨何處問青天長沙年少空垂涕小李
詩狂號謫仙鄂渚梅花醒客夢芋香池館鎖荒烟不堪重過
城西路三直悲歌一泣然

欲往武陵訪楊性農不果

疇昔追逐如雲龍愛才無厭兩心同孝章不待文舉譽太白
化爲東野窮南來澗湘屢問訊幾歲尺書不一通我學日退
付癡諗怕見子布慚阿蒙

舟泊七里湖讀紫卿集卽書卷後

伯韓詩鈔卷八

九

湖西把卷獨長吟湖上煙波深不深三十六灣秋水色二千
里外故人心難忘耆舊齊歐鄧徧謁名山似向禽可惜清才
艱一第瀟湘垂老鬢毛侵

越日再題紫卿集

天涯涕淚阻風塵病鶴支離隔幾春半樹老梅應念我兩家
楊柳合爲隣頗聞白紵繙歌調只有青山似故人塵榻尙懸
琴匣在一回相見一回新

晨起對酒

湖口連朝避石尤侵晨五兩送輕舟好風不用一錢買狂客
何知萬古愁飲量頓增傾綠蟻曉烟漸暖起沙鷗榜人笑索

迎神曲丹荔黃蕉拜柳侯

眠山晚泊

浮天湖水疑無地船到湖西別有天雲夢氣吞巴子國荆門
秋老郢中烟落霞暗澹寒鴉少帆影參差夕照偏買酒已知
沙市近眠山一線正蒼然

舟次微雪寄舍弟容菴五首

微雪荒江早初冬朔氣寒亦知愁遠別不是愛高官賢達方
求退吾生敢避難新亭收涕淚辛苦向長安
心疲從弱歲吏隱吾能兼已是出龍鶴真同上竹鮎異方還
帶甲旅食耐葢鹽莫漫誇形勝荆關未解嚴

伯韓詩鈔卷八

十一

離家已一月遠夢殊淒然多病憐兒弱孤雲憶弟眠藏書餘
善本負郭少良田怕讀脊令頌艱危歷歲年

吟興愁來減孤舟生事微魚多貪唼餌雁冷亦低飛原憲貧
何病漢陰思息機寥寥歌曠野吾道豈終非

市遠缺蔬菜村荒止數家傍堤多短竹晚蓼弄疏花薄飲難
成醉浮甌總帶沙坐看寒日暝林際數歸鴉

荆州晤李鶴人廉訪時方墨衰從戎留詩見志余讀而

壯之

鄂渚荒城灑涕收白袍漉漉提髻頭剝肝祭告伸親憤瀝血
艱危拚主憂子孝臣忠原一事詩才將略各千秋南征怕讀

鳥飛句橫梁樓船下郢州

讀王子壽論史詩爲廣其意得七章

取人必以言高宗恭默尊如天取人不以言唐虞考詢胡爲然孔子設科有言語宰予能言訖不取回愚不違語終日聽言觀人非一術能行爲上言爲次真知其人不得試太公釣於渭之陽立談俄頃致侯王嗇夫喋喋釋之諫忠規諤諤著廟廊豈無椎樸不出口亦有便佞舌如簧兼聽則明偏聽闇藥言窾言宜審詳尙書道要守二語有順汝心有逆汝慎戒面諛君記取

黜陟以三載令簡吏無瀆國之二柄賞與罰先其大者而已

伯韓詩鈔卷八

七

足秦人好量書日夜不得息隋文勞吏案猜忌多苛刻君不論相親其細相不求賢鰥厥職苟卿亦有言主好要百事詳主好詳百事荒犖犖萬世挈政綱親賢遠佞邦必昌

女無美與惡入室先見妬士無愚與智入朝寵爭固儉人辱高位豺狼方當路球亂旣無術萬事委厄數簿書徒疲勞誤人邦國坐自誤惠卿巧令公喜主簿黥令公怒用之則虎不用則鼠信哉小人易進而難去

楚人劍利倡優絀秦王臨朝且歎息何況鷹隼當摩霄扶搏不假兩翼力仲父尊爲父太公號爲公王霸大略固不同風雲水火以類從上下否隔終無功國家元氣惟此事堯舜所

憂良匪細自古知人法不傳苟正其本萬事治

漢高落落英雄姿當機立斷不復疑爵不阿近罰不私此意
昭烈深知之賢臣小人兩言耳獨於此事太息究論無厭時
帝者師臣王友臣天下豈可謂無人惟賢知賢獲其真大哉
宣尼言鄭有子皮齊鮑叔進賢者賞蔽賢戮楚國虞邱亦良
相關中蕭何不錄錄天下安危各有注將相和調士豫附願
書此語如陸賈猶勝叔孫徇時務

舊儒不適用開口陋管商遇事輒顛蹙欲買百金方桓寬議
鹽鐵漢制亦頗詳劉晏專理財唐運俄再光軍行不罷餉不
置掃除羣盜如驅羊司農筦利乃其職論史胡故相謗傷糧

伯韓詩鈔卷八

主

艘遠久計最良租庸參用蘇疲尫我無敬輿揀時策安用亢
言訾裴楊

海內汲汲苦兵食漏卮不塞終無益稂莠不亟去嘉禾不得
殖盜賊不盡剪繇役無日息緡錢下策出宏羊變法之始猶
端詳朝布一令夕又改雖有上策無由臧漢武雄略晚知悔
天下已壞不至亡史遷作史不是謗賈生痛哭邦之祥吏道
太雜礙官方條例滋多飽胥囊本計終當返耕桑積弱何以
變富強勉勉綱紀望我皇

馮展雲有詩僕歐陽泰持詩送行聊答其意

君家謙從皆能賦不耻泥中竟自呼得劍定知同俠客寄詩

應更遣長鬚未妨識字端明僕自古憐才類士奴我亦昂藏
過六尺微車爲爾愧長塗

當陽道中

楚塞蒼茫外乾坤戰鬥中晚烟烏柏冷山勢虎崖雄辱豁形
如吼嘔呀語不通夷歌聲又起野哭幾家同

建陽懷古寄子壽比部並呈展雲學使

荆南城外車麟麟虎牙作勢趨荆門其中建陽地莽蕩亂山
如馬環列屯江流至此始一縱遠與雲夢相吐吞自來設險
誇重鎮置制自宋爭雄尊當時水寇頗恣橫岳侯傳聞此駐
軍滅么八日信神算枕席過師如不聞漳池峻坂餘舊壘路

伯韓詩鈔卷八

三

人指示原上村鴉雀千年著靈跡耕者咋舌駭霆奔精忠剝
此一塊土至今猶有雷斧痕道旁大樹盡南向獨恨賊檜潛
孤根金陀萃編那忍讀獄成三字眞覆盆荒朝功罪率倒置
碑冊臆斷紛失真異時曲端亦若此魏公畢竟非良臣騎驢
湖上自慟愴可惜將將無其人嗚呼南渡不復振坐使歲月
成因循文官愛錢武惜死天下何時還龐涓茫茫七澤自憑
弔呼酒痛飲無與論高臺澹蕩照落月最憶三子同清尊爲
歌此事問螺叟遺跡監利儻並存

校定展雲近稿復系以詩

亂後相逢笑口開三關使節重蓬萊嶺南數子誰能繼海內

頽波要挽回已軼魚山稱後勁不辭蠶尾門清裁考詩刻酷
容針石我亦丹池飲水來

長坂瞻關坡遺跡

炎漢扶龍臥巖關紀鳳鳴英雄餘履跡天地塞威名長坂寒
雲色荒城畫角聲所嗟豺虎亂立馬涕縱橫

象山講堂

一塔荆門峙千秋祠宇新象山非異學朱子有爭臣无極何
容說陽明獨契真何時掃精舍雙洞絕纖塵

襄陽昭羅澹村同年留宿郡齋因登孟亭

舊好伸雞黍風流見孟亭松雲棲峴首草閣聚春星太白詩

伯韓詩鈔卷八

古

誰敵羊公涕尙零南山歸未得遙望鹿門青

同王子章羅少村遊隆中謁武侯祠

古人重名士今人爲名累古人尙謹慎謂可當重寄今人尙
謹慎藉此因祿位古人比管樂讀書觀大意今人卑管樂不
能堪一事大小材固殊利鈍競相避豈知王佐略澹泊先其
志親賢遠小人前漢所以治堂堂出師表讀者隕涕泗何況
尋遺跡抱膝吟茲地世亂思良相黃陵訪碑記寥寥二千年
庚子乃重識南陽別有廬梁甫爲累歎

漢末苦寇亂割據紛權紹宗胄多卑弱羣雄方擾擾伯仲各
辟地招致屣爭倒蜀國得其龍德操識獨早薦賢第一義鄭

虎與齊鮑多助國乃疆自用智則小帝者必有師草廬亟躬
造時時勤咨訪軍事益暢曉不然隆中對數語已可了胡爲
喜馳驅付託重元老屈指三代下儒者氣象好參署不憚詳
忠懇溢文藻相臣有大度開誠布公道低回祠宇間羽扇想
襟抱出處良未易知已古來少

自隆中歸過廣德寺小飲

隱公一勺泉紆轡入法界乞食但爲飽彼教亦墮壞雲居舊
有碑大書殊瑰怪宗門破木楔深入眾佛海徒聞煨芋香懶
殘知何在

樊城

伯韓詩鈔卷八

五

樊口千家萬家住遊女索錢亦無數狼籍畫眉傳脂粉帕首
提籃不如故魚梁水錢迷烟樹渡頭乘船晚爭渡只有紅燈
照夜歸不見龐公棲隱處

汝州

漢代風裁獨李膺汝南月旦到今稱名高白望亦虛采流濁
黃河恐未勝徒說奸雄生季世不聞勘亂有奇能林宗善善
吾師表黨禍東林宜並懲

宿許都有懷蕭謙谷師因寄其子薌泉

虛懷愛士古誰比知已難逢渙水空當世治才無賈誼河南
郡守重吳公敢云辟舍如同谷且喜詞曹有素風兩世紀羣

知契篤白頭猶記一尊同

車上默坐有省

敢矜逸足絕塵奔亦勿驚魚使水渾愛馬終能得馬力刈葵
切莫損葵根三年畏壘爲生業一寸元珠養化源從此瀟疏
文字性閉門畏口不輕論

梁園三先生詩

許薦達刺史

山東濟甯人諱鴻磐

先生勤吏職作牧古許都篤老臥夷門面鐵一塔孤平生金
石契積書如厥儲學子恣所讀惶駭觀鴻都予少擇所師文
獻導前途識曲得其真古聲陋笙竽先子昔同官僻嗜道之

伯韓詩鈔卷八

六

映詞學訂六書伶倫相怡愉巾帽緬諸老東國半癯儒歲寒
知貞松舊有三友圖

李勺洋大令

萊州人獲嘉知縣諱兆元

萊陽老於詩著十二筆舫觚餘賸中州秋柳箋貽上樂律創
獨解梅影叢清曠老仙雁字歌要遣鐵笛唱阿翁振夕秀高
識無與讓延之再成軒二子觀所向爰取先輩文指畫剖意
匠河海疏一氣頓挫出瀏亮古誼嚴始進科第決不妄後生
無根談奈何日縱蕩東洋留一勺飲腹安敢忘

王禮思州牧

公諱宗敬濟甯人舉孝廉方正官晉州牧琦之叔舅也

禮思丈人行嗜古精分隸泰山摹秦碑孔廟存禮器陽水與

擇木悅如今再世少年舉特科方正屹延議泗水廉能績長
垣界濬地公耄往省之館我常甥異孳孳戒平旦爲文先養
氣氣定志益堅尤須審誠僞少狂不知裁多欲苦爲累甯陵
授一編稍稍辨義利抵今三十秋老矣懼失墜未了山人書
挂壁六大字庶幾勤晚蓋抱獨恒知媿

聞伯言丈僑寓清江感賦

楓林夢見尙吞聲寂莫千秋萬歲名魚鳥難忘人澹蕩兵戈
翻助筆縱橫似聞書籍多亡散有數親知半死生差幸間關
遺老在挈家無計返宣城

六朝金粉劇摧頽賦就江南亦自哀庾信才名吳下重杜陵

伯韓詩鈔卷八

七

老瘦賊中來銅駝怕見埋荆棘魯殿巋然剩劫灰舊籠尙存
新刻就定應把卷笑顏開

聞盡蠲兩河加價喜而書此

驚心兗豫半流亡河勢滔滔下齧桑芻粟挽輸中土困菑罷
驕橫大東荒側聞下詔蠲逋賦不使遺黎痛去鄉 聖王獨爲
根本計扶攜父老涕沾裳

過延津

侵晨冒曉霜轆轤轉饑腸似聽車鈴語微聞餅餌香近邊猶
苦寇異地未爲鄉惻愴舊遊處道旁多白楊
荒村四五家歲儉陋生涯豆粥糝黃米鹽薑啖白芽老農猶

望雪殘炮耿生花尚有宵征戒山城咽暮笳

飲豐樂酒自謝

平生遊迹半燕趙豐樂亭前酒一卮未耐風沙仍作客略安
筆研便裁詩長塗僕倦恒貪睡野店鷄鳴怕起遲輸爾田家
朝臥足牛衣何故淚如絲

飲酒續得四首

百年三萬六千觴笑說庚寅坐命強得酒拙於蛇畫足升天
黠似鼠拖腸空憐愚叟移山志難覓長房縮地方昔日負薪
今貴富悠悠五十故難量

夜寒獨酌少歡惊看劍難平塊壘胷陳軫尚思剗兩虎葉公

伯韓詩鈔卷八

六

未解好眞龍縱橫五餌何煩試芻粟三吳不自供私喜篋篋
邦本厚盡寬逋累免租庸

神山望見轉迷離饌進肴黃語亦奇瓠子有歌悲漢武棗瓜
何處見安期最愁殘月搖征鐸誰倒長河塞漏卮我醉欲眠
君且去吸霞漿玉未應遲

材館藥籠肯並收元珠象罔細推求欽鴉嗜腐原非鳳乳虎
初生敢食牛郢說固知容易誤老兵與語暫忘憂袖中尙有
陰符在欲釣王侯亦可羞

沾村酒飲家十一宗老聞隔苑老梅已放花

磨敲詩膽忽輪囷海內論交復幾人心似野梅仍愛雪眼看

谿壑又迴春廣平鐵石知難變廉吏兒孫不諱貧邨釀瓦瓶
君莫笑吾師爛漫取天真

懷林鄉谿閣中

文章於道豈云尊莊老當時許並論山水方滋篇翰富形骸
盡化本根存射鷹樓上霜風健說禮書中笑貌溫獨惜老儒
翻教授計車信否到都門

聞孔繡山消息卻寄

北海好客尊不空李白詩狂飲千鍾忽思太古問明月卻向
青天騎白龍蓬萊咫尺疑可到容成羨門倘再逢期君攜手
看日出雲海蕩蕩開心胸

伯韓詩鈔卷八

九

答友人論詩

周詩三百十一篇曾經聖手難爲言魯齊諸家守師說卜氏
絕學毛公箋篇刪其章句刪字侈稱古詩有三千鄭衛淫風
尙不削肯安褊迫裂歌絃秦人摧燒妄立石老儒已死闕不
傳尙餘離騷二十五聖處已到日月懸漢初樂歌頗近質蘇
李揚馬導其前熟精文選擇妙理玉臺新詠別爲妍高文要
得建安骨探道始識淵明賢大謝小謝並清發鮑庾藻思何
翩翩三唐兩宋面貌異善學能變神則全輕薄獵華盜名譽
自元訖明猶蹄筌我家曝書八萬卷猶病音學不貫穿古聲
淡泊味者少自提一律歸精堅平生宗法有數子李杜韓白

蘇黃元此外諸家間參取漁洋老筆親排編五字七字各正
變割置連璧無乃偏歸愚別裁見自別北平河間稍便便貶
斥李何亦太過不如惜抱持論平後生晚出悅袁趙狂流東
下奔百川競摘茗翠媚俗眼難追汗漫遺義鞭孤生單聞豈
云挽和者寢眾紛高騫北行苦寒濡凍穎老馬識途私自憐
悲歌慷慨詢舊俗往往真氣出幽燕肺肝槎枒不可邊俯仰
今昔心茫然胡鳴不平逞雄鷺吾讀天問解以天

